



竹齋詩集卷之中

五言律詩

次申屠子迪韻

荒城餘古堞登眺喜新晴日淡山容靜秋高海氣清
孤鷲隨鶴下飢兕近人行感物添惆悵誰能會此
情

東南岩壑窅游子欲何之野鳥驚飛疾溪船逆上
遲放懷須醉酒對景謾題詩王謝經行處蕭條似舊
時

海國秋風勁江城暮雨昏浮雲低月峽戍鼓殷雷

門芳草何年歇青山亘古存光陰如過客吾道抵須
論

荅王聘君

門迳蕭條甚相知得往來人方戀升斗我獨撫尊罍
故國秋風慘荒城暮雨開閒中多樂意不在最深
杯

平生無飲量難與醉鄉期老委青雲志空聽白紵辭
寒煙昏塞口殘月淡峨眉此際天涯客淒涼祇自知

次韻荅樊山

余生百計拙世事復何言得句閑題石忘機或灌

園每憐魚涸轍多見鶴乘軒薄暮山風急秋聲處
處繁

功名多跋涉貧賤得安閑坐石聽流水開樓見遠山
報衙蜂傾洞悅景鳥綿蠻更凌斜陽外游雲作陣
還

山川今古在伯業已寥寥野霧迷花徑秋煙隔市
橋溪深新漲雨江濁晴生潮自喜茲行好翩翩遠
市囂

市廛餘熱惱岩壑足清涼水靜魚兒樂風微桂子香
異邦人苦雨故國鴈啼霜秋晚何多事吟詩送客忙

次韻荅王敬助

小隱水南村。喧譁不到門。無言及名利。適意在田園。
春雨桑麻長。秋風果蓏繁。生涯有如此。何用覓桃源。

西園餘薑蔗。東臯足稻粱。今年誠有望。吾計未全荒。
倚杖停吟久。看雲引興長。隣家新釀熟。同醉菊花傍。

慷慨登高罷。風流入醉餘。山田禾熟早。海國鴈來初。
對客無多論。耽眠或廢書。東南岩壑美。時復命巾車。
野雲依竹靜。霜葉近窓明。對此清幽境。都忘喧襍

聲。看書庸有感。與世竟亡情。但願添松竹。期君結隱盟。

豐年真可樂。那慮鬢邊霜。新稻翻是白。香齏出甕黃。
相逢宜脫畧。不必論炎涼。多少清游夢。無能到帝鄉。
鄉隣同社酒。亦足叙幽情。著作輕莊子。悲哀笑賈生。
荒林孤鳥沒。遠浦夕陽明。休問東陵後。栽瓜即邵平。

憶王子正

雨重楊花落。春深杜宇悲。交情惟有我。朋友更言誰。
雲冷東山屐。塵埋北海碑。夜來茅屋下。酸淚為君垂。

有感

三春多是雨四月不聞雷
盡道龍宮闕誰掀蟄戶開
郊原豐草木城郭滿蒿萊
我老為時慮無言思欲哀

中秋次韵荅恢太虛

江湖漂泊久髮白不知年
世遠人何在天空月自圓
山河清有影草木淨無燼
誰恤蒼生苦移憂到酒邊

九日有懷

拊髀憐佳節多年不在家
有親垂白髮無意對黃
華懷古餘情曠登高望眼
賒南山荒靄今日暮亂
歸鴉

吉祥草

得名良不惡瀟洒在山房
生意無休息存心固久
長風霜空自老蜂蝶為誰
忙歲晚何人問山空暮雨
荒

解悶四首

家園嗟窸窣客計轉踈迂
事失非闕酒身貧不為
儒功名餘破褚風雨漫長
途對景成何用高談却壯
圖

荒城驚歲晚風雪奈何人
野鶴殊無侶江梅自得春
停杯吟思遠照鏡鬢華新
底事堪愁絕悲笳撼塞塵

風雨交殘夜郊闌鷄亂鳴青山頻入夢白髮不禁
情舞劍令人咲沽尊祇自傾忽思年少日騎馬漢江
城
寒氣薄衣絮斜風雪亂飄山林俄失色江海不行
潮塞北羶車重江南甲騎驕草堂亦幽致冰凍滿
詩瓢

歸來

歸來人境異故里是他鄉坐閱紅塵過愁多白髮長
關山雲眇眇江漢水茫茫世事何多感馮高又夕陽
某水某丘在杖藜隨處行窮幽聊適興是春未忘

情契彼魚樵樂於吾勢利輕雲根老梅樹花發最分
明

小齋塵不到窳寞野人家下榻來風韻看書度歲
華已忘巫峽月空惜武陵花欲問并州信故人天
一涯

送雲屋僧

蘭若邊江次羈棲喜得隣論文畱客夜對酒燭花
春風雨相過近交情且是真無端話離別把酒忽傷
神

村居四首

辟世忘時勢茅廬傍小溪
灌畦晴抱甕接樹濕封
泥乳鹿依花卧幽禽過竹啼
新詩隨處得不用別求
題

茅屋人看小我居殊覺寬
雲開山滿座雨過草平闌
古意琴三疊清風竹萬竿
養生無別具壁上破瓢簞
欲識吾居處屋前溪水流
門交青薜荔籬蔓黑牽
牛有竹編書簡無花引釣舟
生涯隨分已何用卜菟
裘英雄在何處氣槩屬山家
蟻布出入陣蜂排早晚
衙野花團部伍溪樹擁旗牙
抱膝長吟罷天邊
日又斜

八盤嶺

路遶危垣上風高松檜鳴
華飛殊失意艸長不知
名游客咨遺俗居民指舊京
浮圖起天末瞻望忽傷
情

村居

斷橋分野色曲迳入柴門
五柳低藏屋三家自作村
人情同下里風俗異東屯
我老無生計耕耘教子孫
綠槿作籬笆茅簷掛薜蘿
馬車渾不到樵牧自相
過卧看歸田錄行聽擊壤歌
優游只如此刀鋸柰
吾何

人言村落僻我處頗清幽竹色侵衣冷江聲繞屋
流歡呼同社酒出入趁漁舟不用聞時事桑陰且
飯牛

局厭廬中隱寬從野外居人情方密熟禮數覺生疎
縣榷空浮蟻陳編撲蠹魚客來縱談笑不必問吾廬

宋郊臺

蕩蕩南郊路金輿不復行古臺餘草色新樹自風聲
寂寞荒村景淒涼故國情遺民能道舊曾是御營
兵

感慨

大道已淪謝世情那可論所經新傳舍多是故侯門
路險豺狼恣山空鳥雀喧餘生亦何幸注目合忘言
東南多勝槩古跡漸難尋諸老題詩處繁陰蔽石
林雲團溪雨重水路野塘深感慨添餘思孤猿入
暮吟故國江南郡繁華舊不同衣冠移習氣鼓角
動悲風柳倚湖光碧花連野色紅放懷沽一醉世事

委狙爾

聖

昨訪三生石今登二老亭癡煙舍樹黑野草滿山
青歸鳥還知倦悲器不忍聽又聞龍臆馬趁逐豹
文鼯

黃牛山

招提萬山底，古屋蔽煙霞。
密竹先秋意，長藤過夏花。
繁陰沉雨脚，清響漱雲牙。
老衲眉如雪，相逢話作家。

福勝山房

不作殊方去，每因茲地留。
湖山全勝槩，松竹秘清幽。
下榻同聽雨，開尊為解愁。
得君多道義，從此可無求。

次古詩韻五首

飛雲添遠思，淫雨滯行期。
漸入老來景，都非少壯時。
林昏歸鳥疾，溪急上船遲。
眼底元元弊，何人念在茲。
瀟洒衡茅下，歲寒同此君。
幸遺山水窟，得離犬羊群。
有酒懷元亮，無才擬子雲。
寓形隨分已，何用強求聞。
潮映江城白，山圍故國青。
感時花慘慘，餘恨塔亭亭。
只合從龐隱，何須學楚醒。
歸來詩景勝，蒼翠滿岩屏。
蔽體可結葉，充腸難飯沙。
風塵無日定，朋友各天涯。
既有杯中物，那愁髻上華。
古今歸一咲，放曠是無家。
屠沽慙壯士，文繡貴山郎。
氣習魚鱗族，風流鴈鷺行。
從時多俛仰，弔古獨悲傷。
無奈連宵雨，蝸牛上石林。

重過戴氏居

重過戴氏宅交游情味長乃翁敦德義諸子好文章
濟濟衣冠偉班班事業張看他流俗下不肯論炎涼
矮籬編綠槿小徑入青桑屋逸河流潤門開竹色涼
課兒書滿架留客酒盈觴西沼芙蓉美南薰穉香
琴書滿屋壁不下晉家聲湖海懷高義交游閱古
情宰瓜延暮景看竹喜新晴更約清高友山林結隱
名

雨後

雨後千山淨炊烟處處新世情殊不足風俗豈能淳
老棘餘生意槁花空悟春相逢非古道惟我著烏巾

槿花

不與百花期多從桂子時低昂如有序紅白自相宜
農為編籬識蜂回課蜜知想渠根本盛未畏雪霜
欺

客邊

微雨久不歇浸成留客天銜杯聊復爾彈鋏已蕭然
落葉饒秋恨鳴蛩減夜眠故園歸未得日日數行船
澤國秋雲重淮山夜雨深感時多得句懷古獨沾襟
照鏡憐新髮持螯息壯心知音無處問冷落七絃琴
飄蕩將何倚淒涼不自禁江湖千里夢風雨五更心

游子黃金印幽人綠綺琴渠方汨朝市吾合老山林
不學養生術且為歸隱謀青山猶昨日白髮好禁秋
適興須村釀忘機狎海鷗夜未何所事欲上仲宣樓
世事朝朝異炎涼處處同江山千古在風月幾時窮
采菊思陶令登樓憶庾公客情清不得又聽北征鴻
次韻荅申屠子迪府推

今日風光好梅花滿屋春年季長在客事事不如人
道路貂裘弊庭闈鶴髮新曉來看雨露小草亦精神

十二月三日對月

今夜初生月客中仍獨者遙憐吾老幼未解脫饑

寒破壁簞瓢壘踈梅雪作團再思先子訓默默淚闌
干

見雪

窮居忘節序見雪却憂寒漸漸山河失依依道路難
故人迷信息無客渡桑乾况爾西南地疲民夜不安

客况

為客少安睡終宵聽雨聲每因歲季晚不稱路情
貧賤交游少踈豪去就輕蕭蕭鬚髮改殊覺負平
生

對酒

會咲者長劍開懷對酒尊江風生席面山雨濕雲根
去國愁征戍豐年荷聖恩莫辭情爛漫白首壯心存
送客

驪駒歌載道肯為簿書留頌我衰遲質不禁離別愁
江花綠客興春水便歸舟茲去青雲遠音書可寄不

寄友

寄語蓬萊客山寒松未花祇因好春雨不得到君家
白石通宵煮青萍忘歲華近來聾兩耳那得聽胡笳

夜坐

夜深山館冷風雨滿江城老客不成寐感懷無限情

蠻烟迷五嶺王氣屬三京休問泥塗事荆榛處處生

會友

蠟屐衝寒雨柴門啟曉雲相忘不問訊良久却論文
煮茗山泉活移花野色分城中甚諠襍此地寂無聞

送大機上白雲

水月池頭屋曾同聽雨耒故緣經歲別又過幾花開
且尔酬詩債深慚乏茗杯明朝出西郭離思不堪裁
東郡雨不歇西湖水亦高上人今日去行李不辭勞
傳法燈無盡懸崖屋更牢交游如問訊謂我只囂囂

掩關

竟日掩柴關。條然無俗塵。幽花殊得意。老樹不知春。
風月臨清夜。江湖憶故人。西房老禪伯。瀟洒亦吾貧。
寄存道崔隱君

有懷中默默。舒嘯獨登樓。月色不知夜。江聲欲動秋。
寄書空惹恨。看劍若為羞。何日乘清興。山陰掉雪舟。

旅次

露下竹風清。孤樓恰二更。天垂滄海極。月轉大江橫。
道味窮時熟。詩情旅次生。飄流何所擬。秦華一毛輕。

對景

景勝詩懷曠。愁圍酒力降。地雷晴破石。山雨夜翻江。

夢遠蓬萊館。香餘薜荔牖。諒無封建蹟。白首困南邦。

漫興

流沙連竺國。大磧間和寧。雲合陰山黑。天垂瀚海青。
穹廬駢驪表。軹蓋建鈴釘。多少花門子。相逢喚不丁。
屯聚皆羗屬。謳歌比獸啼。莫深車跡淺。霜重角聲低。
軍馬行無數。山林望欲迷。老兵通漢語。指點話征西。
天時今亦異。地醜古來非。馬乳供官酒。羊皮當禮衣。
一時風色變。萬里雪花飛。小大持弓矢。相呼出打圍。
壯心殊未已。望望盡黃沙。韋冒籠鴉鶻。羶囊載駱駝。
過關南客少。出塞北風多。田牧俱荒廢。空懷馬伏波。

過水南

一到水南宅喧囂便不聞
胸梅晴破雪庭樹暖凌雲
閒話經年別忘眠過夜分
何時卜隣住會老細論文

春晚客懷

春事已過半客懷何悵然
鳥啼雲外樹花落雨餘田
沾酒不成醉解衣徒自憐
五湖烟水遠未得問歸船
落落窮途客季年不在家
寄眠聽夜雨借景看春華
空着三山帽難防兩鬢華
清晨覽明鏡載咲復咨嗟
衣袖露兩肘難留俠客植
對山長發嘯得須忽忘詩
樹濕吳雲重花殘越鳥悲
酸辛甘自受襁褓愧妻兒

花落春城暮登臨思陪清
買杯酬宿約聯句足餘情
三峽星河動九江風浪生
吾儕似無用思典白漚盟
雨暴溪流急雲低樹勢平
山邊孤獨嘯林外鳥皆驚
小草添生意殘花減俗情
明朝整巾舄飽飯竹間行
詩酒從時適功名委壯圖
好山隨處有閑客近來無
冠蓋駢三輔烽塵暗四隅
餘生營計拙且儻好樓居
賈誼治安策虜勞瀆聖明
人民正凋瘵豺虎咨縱橫
白水沉南國青山沒上京
吾儒無可柰老淚向天傾

世情

世情多曲折客况自堪憐
聽雨愁如海懷人夜似年

草肥燕地馬花老蜀山鷓冷淡歸歎計蒼苔滿石田

竹冠

竹冠橫五摺安用錢絲旒斑積湘江雨清御嶰谷秋
自然堅節在難與俗情侔相見無疑恠先生不姓劉

客情

幾日不啓戶庭前青草多故緣詩思澁不柰客情何
貧賤家無定英雄劍嬾磨江山千萬里回首一長歌

歸家

我母本強健今季說眼昏頽憐為客子尤喜讀書孫
事業新燈火桑麻舊里村太平風俗美不用閉柴門

示師文

生涯猶未定歸去勿來遲故里雖云好吾家正及飢
敬尊須重禮對母說新詩梅竹平安否先書報我知
悵望倚門久月光清滿天念家情切切為客鬢媚娟
細草荒山徑游雲過石田安能携爾輩飽飯老林泉

執爨

執爨迺吾事非因媚竈來調和誠有道燔爨不遺材
對燎殊無愧不黔良可哀過從勿相咲破甑久塵埃

獨宿

獨宿輸吾慣石床苔蘚豐氣清神自固夢不與人同

燈焰懸空壁爐香裊細風如何純綺輦服藥取奇功

種茄

種植便生地依還去草萊所期羞膳具母吝日滋培
雨露恩時及風霜氣莫摧且令根本固看爾實恢恢

訪舊遊

今日放輕舟令人憶舊遊看花穿水竹沽酒近江樓
故老論遺俗相知已白頭晚來鄉思切孤鴈楚天秋

偶書

浮雲生遠樹落日動江波坐對青山好其如白髮何
寄詩憑問訊沽酒借顏酡忽憶年時節吳松聽棹歌

聞鷄何用舞對酒且高歌湖海情如故風霜老奈何
相交知己少入夢好山多玩世能成癖紛紛事已訛

獨坐

獨坐高樓暮淒涼何所聞亂山流凍雨荒樹隔孤雲
關陝鴉成陣山并馬不群故人消息斷凋弊閔斯文

歸來

湖海飄零久歸來依舊貧願無青眼友喜有白頭親
籬菊留餘色庭梅奏早春溪翁密相訪盃酒接殷勤

石湖寺

畧約江煙外招提水氣中故人於此隱幽致得時同

釀酒來彭澤栽蓮接遠公浮生底須論談笑且春風
相憶懸清夢相過笑白頭不因吾道重安得為茲留
翠竹邊江雨黃花小院秋明年春水足準擬泛扁舟

泊瓜洲

晚泊瓜洲渡秋風九月時野燿晴漠漠江樹綠離客
思無人會鄉情有鴈知斐才慙李杜對景亦題詩
落日大江秋淒涼覺底愁逆潮攻敗壘荒樹入沙洲
險固空遺跡清平且壯游不須腰十萬明日上揚州

泗上

弔古心何壯馮高氣更雄大風秋野濶明月故鄉同

瀟洒繁霜鬢淒涼獨老翁夜深沽斗酒不異在新豐

沽亭道中

野亭依柳樹水路出桑林問俗誰能解懷思自不禁
遠山歸眼小孤鴈入雲深可笑西京客持盃學楚吟
方離三柳樹又出下沽亭客路從茲去人情轉不寧
關河孤鴈沒齊魯衆山青處處黃河道吾將補水經

南陽閘下

十月黃河道舟行濁水泥今晨見清淺不覺散淒迷
雲轉山腰斷天連野色低可知茅屋近忽聽一聲鷄
師家庄瞻繹亭正對繹山魯地諸峯皆見閘水

正合洙泗汶

綠水流洙泗青山出魯鄆馮高殊有興
甲古不勝愁日落江花連風生野樹秋
掀髯一長咲不負壯年遊

閘上

舒嘯孤懷壯天風蕩杳冥草枯秦地白
雲盡魯山青問道尊莊子沽杯候野亭
平生辛苦事須信此行經白霧都收盡
青天無片雲候船車袞袞辭樹葉紛紛
紗帽當壚婦兜鍪出塞軍不愁書寄少
鴻鴈動成群

守閘

行船無十日守閘滯多時縱使心如鏡
難忘鬢若絲

野亭花淡淡沙岸草離離日暮聞征鴈
令人有所思

汶上舟行

賢聖久不作我行真可憐望歸黃柳外
坐到碧山前老馬知官道飢鷹集野田
晚風吹急雪回首一茫然

新店道上

野水滔天去陰雲着地生沽來新店酒
不洗異鄉情白髮蕭蕭謝黃花粲粲明
山川雖跋涉道路却昇平

不飲

不飲非無量忘眠豈有謀赤心思報國
白首願封侯界紙題封事拖燈看蒯緱
何時勲業就蕭散五湖遊

船上

迢遞三河路淒涼九月天遠山迷草木平野少人烟
對景情如醉浮居日似年壯懷消不得沽酒且陶然

汶上

汶水連洙泗源源有所歸聖賢誠可仰風俗自相違
落葉隨風舞孤鴻破雪飛紛紛名利客到此肯忘機
破夢聞金鼓關心望玉繩只知時候別不覺夜寒增
凍雨成飛雪長河走大凌客情無可奈却借驛樓登

暝色

暝色沉孤嶼秋聲入遠林飛鴻頻顧影獨客易傷心

相識無知己交游少信音未能酬壯志沽酒且長吟

客思

破衣懸軟毳短髮被秋風汶水長魚白滕州小米紅
人情今日異客路去季同萬里關山外孤鴻縹緲中

齷齪

齷齪寧堪處卑汙柰此逢看人騎白馬喚狗作烏龍
濯濯河邊柳青青澗底松待看天氣好應得露華濃

瀟灑

漸覺離鄉遠寧知出處迂風流看隊馬瀟灑入雙魚
誰解辭千乘無人說二疏老吾情不怯謾讀古人書

次致和韻

方見雲山出忽然風雨來暴生三尺水推去一階苔
古意何能解新詩止自裁天時與人事歷歷不須猜

日晚

日晚風雲起城空草木悲蛟龍能自聖騏驎不容遲
漢婦通番語胡兒厭杜詩老夫瀟洒處定是少人知

慶壽寺

亡金在城北野中今在城內
劉太保為僧于此墳在盧溝

寶刹都城內今朝曠野中浮圖瞻寶誌書記憶劉
聰畫屋烟花繞青松雨露濃徘徊增感慨歷落問

英雄

書記去已久令人動慨慷但能成事業不解制綱常
花落重城晚雲沉大野荒盧溝三尺土春雨樹蒼蒼

渭河道中四首

平地連滄海孤城帶渭河行人俱漢語舟子半吳歌
野草驚秋短魴魚出水多只憐風俗異處處有胡笳
披霧青天近梳頭白髮明山河千古恨風雨五更情
塞北浮雲慘關中王氣清草廬諸葛在未得話平生
月出東溟白天垂北斗低礪兵思秣馬舞劍忽聞鷄
諸葛猶存漢田橫不辱齊英雄如有見瑣屑豈能迷
海氣團雲白江風吹浪寒飛鴻離塞遠獨鶴唳更

闡慷慨論時事風流想漢官蕭蕭黃葉下回首望
長安

泊聊城 即東昌府

水宿聊城外忘眠聽漏聲浮烟連野白孤月近船明
世變山河在時移草木驚絕憐知己少感慨獨傷情

南歸

去歲離南去今季自北歸過淮渾酒賤出水白魚肥
磊落同誰語孤高與世違最憐黜國子潦倒說兵機
庚寅春二月三日甲子大雨雪

二月甲子雪霏花冷作圍乾坤移氣象草木轉光輝

野鳥渾無語胡塵濕不飛長安未歸客應是動心機

有感二首

絕國春風少荒村夜雨多可憐新草木不識舊山河
世事紛紛異人情轉轉訛老懷禁不得悵望一長歌
對鏡添惆悵憑誰論古今山河頻入夢風雨獨關心
每念蒼生若能憐蕩子吟晚來愁更切青草落花深

雨過

雨過山光潤煙浮野色昏清泉流近砌黃葉擁衡門
世事憑誰論高情祗自存忽思浣花老又欲向東屯
歸來訪田里轉首憶關河黃葉階前滿白雲山上多

人情空爛漫，世事儘差謫。親愛兒孫輩，愁予兩鬢皤。
閏七月廿三夜記夢二詩

歷歷青山出，翩翩白鴈來。感時徒憤鬱，弔古獨悲哀。
夜雨淒庭草，秋花老石臺。客懷消不得，悵望一徘徊。
對鏡多新白，懷人入遠思。山河猶漢魏，風俗混羌夷。
小草銅駝恨，荒陵玉鴈悲。平生伊呂志，耕釣豈無為。

舟中襍紀

水竹連平野，人家帶夕陽。道塗忘險阻，風景異尋常。
借艇移行李，持盃看步光。英雄無所恃，堪笑老夫狂。
舟行知牽穩，恰得打頭風。更喜青山出，窮辭白髮窮。

江楓綠岸赤汀蓼，雜燻紅回首。東南境樓臺，杳靄中
揚柳青雲合，芙蓉錦幃開。船從湖上過，人在畫中來。
莫問桓伊笛，且傳袁紹杯。明朝過醉李，舒嘯謾徘徊。
泊舟枯柳下，狹港喜無風。水氣團燻暝，嵐光帶雨濃。
竹陰秋轉冷，漁火夜深紅。憶在山陽縣，吟情與此同。
蘆花葳別浦，柳樹隔柴扉。野鳥行行下，漁舟兩兩歸。
只愁風俗變，不慮世情違。舊日經行處，于今轉覺非。
秋茂嘉禾北，官河帶野橋。水光欺日薄，寒氣得風饒。
覓火隣船並，沽醪市店遙。傳聞征稅急，不忍見漁樵。
九月今朝是，淒淒多朔風。黃素渾未落，烏柏最先紅。

對景情何已懷人夢不通稻梁今歲薄無奈北征鴻
落日照船牖殘霞映碧江樹低蒼翠濕人襟語言唯
貫酒青衣獨歸山白鳥雙驅馳吾未已慚愧鹿門龐
野水連天碧秋花夾路黃順風船過疾落日鳥飛忙
感物徒惆悵逢時喜老蒼文章隨氣運不必論班揚
老樹轉斜暉人家水竹圍露深花氣冷霜降鱗膏肥
沽酒心何壯看山思欲飛操舟上吳女雙槳唱歌歸

元日示師文

骨格今年異衣裳舊日殊讀書當努力寫字莫胡塗
白水翻三峽青山出兩都老吾何所以賴尔得相須

遣興

破屋懸寒雨空窗度曉雲家貧無外慮身老厭多聞
草木隨時長蟲魚自作群吟行聊遣興不必論功勳
直北黃河走江南白浪浮人民政饑渴官府急誅求
處處催兵器城城建火樓老吾頭已白忍死為君憂
老來百病出坐卧不能安稍得春風暝尋憂夜雨寒
中原人倥傯南國步難難薇省分權重匡時自選官
旌旗明紫塞雲霧暗潼關盡說王師盛應知伯道艱
東風吹白草落日動青山羽檄飛邊報將軍信雅閒

水竹

水竹能瀟洒天然二尺強
低枝均雨露直節慣風霜
不擬編書簡何時宿鳳凰
幽人頗相得拂拭近茅堂

屋隅櫻桃伐去老幹而生新枝能實可羨

櫻桃元舊本根柢近西籬
只為除枯幹翻令長嫩枝
紅嬌殊鶴頂甘美過蜂脾
羞薦歸宗廟于今正及時

山藥

山藥依闌出分披
夏涼葉連黃獨瘦蔓引綠蘿長
結實終堪食開花近得香
烹魚入槃饌不餽太官羊

謾興

詔布河流復其功說賈生豈因䟽鑿費
恰重戰爭名

軍士雖然散農人尚未耕九州多禹跡
何日與君評

燕趙官輸急江淮羽檄忙山崩雲慘慘
河決水茫茫

野客愁無奈山翁老更狂塗傳軍士盛
即日下襄陽

草木何搖撼工商已破家饒州沉白器
勾漏伏丹砂

吳下難移粟江西不運茶

朝廷政寬大應咲井中蛙

四川聽雨化三輔
凌風清但得公行道何勞苦用兵

關山無阻碍淮甸漸清平
聞說招民義銜哀事遠征

一說妖氛起生民欲斷鬼
村墟空壁落市井變營屯

盡道無生計誰為奉至尊
吾居更滿索事業不須論

壬辰天意別春夏雨冥冥雲氣何時斂江聲未得停
書生憐白髮壯士喜青萍昨夜登西閣悲笳不忍聽
處處言離亂紛紛覓隱居山林增氣象城郭轉空虛
俠客思騎席溪翁只釣魚諸生已星散那得論詩書
辟難人爭出居家我獨癡况無親已老無柰病相欺
湖海迷舟楫闕山振鼓鞞忘機閑看竹得興謾題詩
密樹連雲濕荒村八徑斜山童分紫筍野老賣黃瓜
忽要千軍弩尋求百姓家予生為計拙見景重咨嗟
撒幕愁歸燕頰垣警睡龙雨聲飛玉署花夢破瑯牖
紫詔傳三省黃巾出兩江何時舞干羽盡使有苗降
登高聊縱目懷古忽傷心北極星辰遠中原草木深
天寒群鴈叫夜靜獨猿吟處處知音少塵埃綠綺琴
干戈猶未定鞞鼓豈堪聞憂國心如醉還家夢似雲
闕山千里遠吳楚一江分朋舊俱零落空嗟白鳥群
溼雲垂地重孤雁入天鳴到處干戈競何時海岱清
孤燈懸古壁寒漏落空城可羨高山老優游待太平
深秋天氣好且喜病魔消對客論三史令人愧六朝
山河空版蕩民物競蕭條白首思無策甘心學野樵
秋風清瘴癘明月照山河絕國干戈少空城鼓角多
脫巾憐髮短醉酒覺身和謾對黃花坐母勞白苧歌

自嘆青雲遠誰憐白髮孤艱難知道路瀟灑問江湖
事業留詩卷田園入畫圖清高過老杜囊底一錢無
重陽今日是風雨滿空城白髮殊無賴黃花似有情
山寒孤樹老江淨衆漚明且願烽塵息謳歌樂太平
雨阻龍山會雲荒戲馬臺且看黃菊放休待白衣來
事業書千卷功名水一杯登臨聊復尔吟嘯謾徘徊
吟詩懷杜甫持酒看吳鉤落葉千林晚飛鴻萬里秋
只嫌風俗變不為別離愁向晚聞征鼓徘徊倚小樓

懷鄉

關西吾故里八代不能歸墳墓今何在門閭故已非

清秋愁燕去殘日望雲飛豈是梔源客虛無與世違

即事

雲黯山如醉風來樹若顛懷人多有夢憂國少安眠
江海浮鷗鳥山林叫杜鵑老生頭已白見景忽悽然
草近無人到柴門盡日闌脫巾垂白髮把酒對青山
世薄驚時異身貧得夢閑夜深明月下吟待鶴飛還

晚眺

密樹連江暗殘陽隔浦明不知秦塞遠殊覺楚天平
故國人何在荒城烏乳鳴裴回吟未已搔首忽傷情
雲騰山欲連雨過樹如新細路多行屐荒村不見人

游絲懸落日小草亂青春何處論知己過從白鳥親
秋吟

夜雨滋蔬圃秋風過草堂長歌追李杜高論入羲黃
戲水知魚樂尋羶看蟻忙兒童建勲業燈火得新涼
菜葉綠滿地菊枝青過闌有為遵古道無論及時官
樹影經秋減湖光入座寬門前舊磯石閒却釣魚竿

幽居次韻

城市居何僻山林境頗同竹窻風細細花榭日融融
疊石留雲卧開渠許溜通兒童雖解事不識五花驄

甲午年正月初四日得春

昨宵嫌凍雨今日喜春風野草浮新綠園花結小紅
漸將農事動無柰病魔攻向晚登高望江山杳靄中

春寒

春寒多雨水地僻少輪蹄溼氣連山暗孤梅近竹依
林空饑鳥集城冷野狐啼回首關河道風塵道路迷

山陰水村

有水無行路人家箇箇幽青山開障遠碧樹入村稠
縱是比隣屋相過亦用舟我來瀟洒甚處處見沙鷗
草閣憑江置江深入夏寒看山詩思遠對客酒杯寬
風景雖然別行藏儘自安浮萍軒子好來往任繫桓

雪晴

起來敲石火正是雪晴時竹葉冰垂地梅花玉滿枝
風雲隨變滅山水轉清奇悵望長安道令人有所思

紙衾

楮衾能潔白孤卧得平安作夢心如水纏身雪作團
吳綾爛花草蜀錦動螭鸞未必清如此那堪慰考槃

丙申元旦守母制因感而作

今日拚花頌無能獻老親自憐垂白髮不敢着烏巾
牢落田園興微茫海國春話言兒女輩清苦莫辭貧

寄申屠僉事時避寇來越

瀟洒樊山老年來亦可憐墨莊沉寇壘琴屋燼烽烟
詩好人能誦官清子得傳閒身隨所寓不必問歸田

山中襍興

去城懸九里夾地出雙溪傍水編茅屋移花近藥畦
長年無客到終日有猿啼利路何須問閑身儘可栖
因拜山農號生涯日日新帶泥移瘦竹和蘚拾枯薪
時酌山泉賞都無世俗塵烏鳶雖見忌麋鹿自相親
居山還有趣斲地本無謀相顧誰青眼同盟盡白頭
豺狼迷道路猿鳥傍林丘休問巢由樂吾心自可求
拄杖聽鳴鳩青山樹色稠雨寒雲不起沙亂水交流

對景堪垂涕無為亦動愁
疲民政無奈誰解為君籌
散處身如寄幽棲屋似船
江鳴風落雨山暗樹生煙
架有催詩簡囊無貫酒錢
東隣吳季子瀟洒亦堪憐
漂泊殊無定歸來得暫安
不嫌知己少似覺傍人難
梅屋春風細松窓夜月寒
交游成契闊重檢舊書看
短策閑尋句長歌獨倚樓
野雲迷客思花雨亂春愁
論事思王猛看書憶馬周
老吾吾道在一一付滄洲
信是山中好春來物物豐
石蚕生斷砌玉葦出枯桐
暝雨蒸花氣晴煙颺柳風
眼前無限景詩句可能窮
趁屐行山迳尋幽過野亭
雨開雲氣白春動燒痕青

挑眼新生藟梅心小結形
倚闌閒縱目物物得娉婷
小艇橫河過殘陽隔岸春
水聲清繞屋山氣冷侵牕
卸屐行花迳携書坐石缸
可知耕種好只擬鹿門龐
細註歸田錄重修種樹書
自知身是客不嘆食無魚
石屋春雲重柴床夜月虛
蕭條空四壁誰問馬相如
眺望春光遠登臨夕照微
野烟平戍壘山鳥恠儒衣
觸處無高下何勞論是非
寄言彭澤宰出仕不如歸
山園無定式力作是生涯
近水多栽竹依巖半種茶
春風低小草夜雨出新沙
不必聞時事城中減大家
王祊通謝墅禹穴近龍宮
兩水沿平地諸山在下風

烟霞時出沒日月互西東閒看桃源記吾將此意同
石樓會曉色茅屋淨春暉野水中間落雲山四面圍
長歌樵擔起短笛釣船歸景物隨情至詩成思欲飛
貧居得幽僻世事不相關詩思多因雨閑情獨愛山
落花隨水去孤鶴望人還最喜神清健季來酒量慳
家貧便食淡季老覺身癯細字憑兒看清樽待客沽
惜春嫌謝豹顧兔憶韓盧悵望青山曲點頭愧野夫
卜宅近山阿柴門障薜蘿風清聞鶴唳日暝聽樵歌
密樹懸青島平田浸白波村船乘暮景來往急如梭
草徑如蛇縮茅蘆北斗寬溪聲歸夜響山氣入春寒
且自師伊尹母勞說謝安有時閑縱步長嘯白雲端
寒雪滿空山出門行路難家人愁累重客子怯衣單
寇盜因時起乾坤尚未安吾農清苦甚今日淨朝食
玉笥山南入深隕人跡罕至真隱地也作詩紀之

幽窅無人迹虛空見遠天雪深山氣伏崖斷樹根懸
鳥鳥翻身入狐狸放膽眠老夫多脚力更欲上層巔

玉笥山麓有土阜高丈餘登眺可盡湖山之勝友
人好事許作亭于上余意其有成先闢址以俟作詩

紀之

基址經季定新亭幾日成望開吳地盡坐按楚天平

野色重重見山光面面迎可宜方處士千古紀清名
示師文

余父既清苦爾身何可言且宜修道德不必問田園
花落江城晚烟橫野渡昏此時光景異只合住山村
寫懷

去載情無賴今季興頗優自居茅草屋不想木蘭舟
膏土栽黃獨開渠引碧流溪翁來往熟相帥看沙鷗

安分

小逕入柴扉茅蘆隱翠微土碗黃獨瘦溪暖白魚肥
夜照明膏竹朝食淨露薇人生安分已何必論雄飛

題青田山房

青田劉處士潇洒好山房夜月移花磴春雲連石床
書聲通遠谷琴響應清高我欲相依住臨流築草堂

丁酉歲元日九里山中

授時無曆日獻歲喜天晴道路何艱阻山林似太平
梅香清海國柳色上江城且得蘭臺近疲民稍慰情

立春八日

春雨洗殘雪春風輕布衣綠敷湖外草青動石根薇
淮海烽燧盛關山鴈鷺飛山居頗潇洒梅樹玉成圍

自詠

清苦誰能共孤高祇自憐為因知分定不解問歸田
對酒傷春思看書減夜眠信無朝賀表留病過新年
丁酉歲九月九日在慈溪是日小雨杜堯臣知
事携酒過寓所

重陽今日是客邸忽悽愴樹葉驚風墮絺衣襲雨涼
黃花街古色丹桂發天香珍重東屯社携尊過艸堂

有感

江湖成獨客風雨過重陽白髮懸明鏡青山隔艸堂
野花留別恨籬菊靜秊芳聞說陶元亮淒涼五柳庄
黃花渾未放白雁最先來好景無人識新詩只自裁

烽塵迷玉壘煙草沒雲臺今古英雄事何如水一杯
慷慨看雙劍淒涼獨老翁不嫌天地窄殊覺路途窮
茅屋荒山雨麻衣曠野風人情只如此何必問英雄
依違思故里吟嘯倚闌干野水隨潮漲山雲帶雨寒
歸鴻悲別渚羈客困長安何日干戈息山林樂考槃

憶張彥威御史

挺挺張公子桓桓道氣充
彛章驚世俗膂力懾英雄
且爾交游好能堪仕宦窮
如何風雨際埋沒亂離中

送大上人之四明

勝地稱三佛佳山指四明
雁飛江雨歇龍蟄海潮平

見客無多論者雲或動情有人問梅叟為說似浮萍
對雨

憂國頻看劍懷人獨凭欄野雲秋共黑江雨晚生寒
盜賊紛然起軍民未得安相逢誰慷慨隨處說艱難
風雨秋冬接乾坤晝夜同正愁禾黍黑况柰羽旄紅
吳越民難處江淮路不通交游無定在空想北歸鴻
百州雨中死群鳥天際飛風塵時變滅世事日乖違
弢景掛冠去少陵徒步歸丁寧劍歌叟得酒且忘機
知少慮亦少閒多病轉多干戈愁正切風雨恨如何
華屋迷青草玄門暗綠蘿淒涼無可奈感慨動悲歌

三秋多濕雨十月見黃花對景無情思令人起嘆嗟

聽嫌床下蟻病惑酒中蛇又聽諸季少懷才擬賦瓜

竹圖

楚地秋風勁湘江夜雨深不看覆鳳舞恰聽老龍吟
正直崇高節歲寒同我心悠悠向京國轉轉憶山陰
懷人

懷人多有夢憂國竟忘眠野草皆成藥江雲半是烟
悲鴻聯陣下老鶴唳孤騫孰信殘陽外疲民間井田

愁重

慷慨添餘思交游憶可人時危還有慮愁重不知春

海國迷歸棹關山擁戰塵黃公何所見終不事嬴秦
有感

白髮干戈際青山黯靄中沙虫聯五馬石卵襲三公
東海波濤黑中原州樹紅蕭條岩谷底誰信有春風

五言古體

感懷

松柏引藤蘿反被藤蘿繞剗草養禾苗禾苗不如草
物情有更變世事何足道君子小人交豈能永長好
游雲本無定潦水空浩渺消涸固有時疇能見機早
春風泛紅綠造化太奇巧昨朝楊柳花今日浮萍艸
學佛不成佛求仙豈能仙人生因有貪所以不自然
秦皇既已矣梁武亦可憐何如飯牛翁萬事付忘言

四月廿五日堂前萱花試開時老母康健因喜之

今朝風日好堂前萱艸花持盃為母壽所喜無喧譁
東隣已藤蔓西隣但桑麻側聞義士招我輩鬢已華
世事既如此不樂將柰何

偶書

今晨好風雨溼雲四邊馳落花爛作土潦水積成池
疲民在塗炭朝暮啼苦飢况兼時氣乖好肉生瘡痍
方憂舊田穢無柰新城歌世情甚促迫天意將焉為

我生合忘言感慨徒傷心

梅花易洞為胡伏臣賦

梅花擁林屋瀟洒極靜深清風散餘香皓月澄虛陰
中有學古人坐窺天地心神機一感動妙化不可尋
持誠問先民羲皇有遺音

蠶作繭

老蠶欲作蠶吐絲淨娟娟周密已變化去取隨人便
有為機中練有為琴上弦弦以和音律練以事寒暄
其功不為小其用豈為偏作詩寄蠶姑辛苦匪徒然

竹梅幽禽

梅花出脩竹照影清溪深微風散寒香上有幽棲禽
扁舟載我來春色不用尋驅童貫村酒老瓦隨意斟
興酣岸烏巾大嘯喚老林明月在青天霜氣襲衣襟
歸來草堂靜獨坐彈鳴琴

留題悠然閣

高閣潭空影開牖徹虛明依依楊柳陰微涼入床清
原田遠風交平林素煙橫喜無車馬來而聽禽鳥聲
境物隨所適於心淡無營悠然會真趣得酒輒自傾
客至竟忘言坐對南山青

山中

雨過百溜鳴雲消衆山出鳥啼松迳深來往無車轍
幽居少人事足以養吾拙讀書故無用徒然較優劣
辟世豈云迂自與桃源別

南風熱

炎風來何狂似欲吹山倒狼籍樹庭雲散漫屋上草
赤日熾大爐泥沙熱如炒東臯與西隴禾苗盡枯槁
疲民日苦飢性命未可保誰推至誠心懇致素林禱
願得甘雨沛洗我煩熱惱

遣興

鑿井思所汲種田期有秋人生豈無志每為飲食謀
紛紛路傍兒儻蕩思公侯風雲一轉折事業不可籌
何如澗底泉清清長自流
種禾莫存莠種樹莫引蘿引蘿苦其樹存莠傷其禾
營營百季內變滅成幾何結交苟不擇中道生怨窩
可信一寸水能起萬丈波

感懷十首

太極本一氣胡為兩儀分生生立名字萬彙遂紘紘
洪荒不足徵至精亦已淪務猶茂佳景蔥蘢爭益益
益益漫渚澤蒙籠冒蘭蓀萑萑白日晚颯颯秋霜繁
華滋竟蕭條芳情欲何言

蒙莊曠達士魯連倜儻生不徼一時利乃有千載名
睢澤務詭譎佞秦尚縱橫反覆弄小技於道未為貞
聖賢久不作餘生復何營賴有白鷗鳥可與忘世情
寫字不通俗讀書難療飢遽遽塵囿中遑遑欲何之
仁風藹原隰草樹發幽姿群動正翕集游雲未來歸
懷哉鶴上人徘徊感良時無以慰蹇劣樽酒聊自怡
傍溪種篁竹十年望成林不圖列貨殖願布九夏陰
變化期未至枝葉漸蕭森忽值素田移根苗竟沉沉
炙筠無事書斷節少賞音東里已寂寞空持歲寒心
槲衣山中人短髮被襟領寸心雄萬夫片語重九鼎
不作好顏色遂與世俗迥始旦旭日明默默有深省
上愧飯牛戚下懷摑虱猛忤慊復忤慊照鏡可憐影
高樓古月明孤坐感涼夜云胡遠行客不悟歲年邁
風暖百草芳露冷衆木瘵天地豈無情物色有榮謝
人生匪金石焉得不朽壞寄語茹芝翁細故奚蒂芥
浮生失故業窮歲無寧居朝行沂隴間莫止滄海隅
淒其風雨交飢寒困泥塗寥寥太古懷目擊誰與俱
齊君不好瑟羸氏不羨雋舉世媚同塵出類為䟽迂
何如歸去來且作耕田夫
紫霞結重蓋五城十二樓中有青眉仙翠織鱗花裘

天漿飯玉屑恣樂無停休自謂能長生可與造化游
悲風一何來吹動人間秋瓊牖漱寒響深閨起離愁
欲飛肘無羽延頸望玄洲玄洲不可到始悔違前脩
志士惜白日慙多感長夜夜長固無柰况復重淒涼
昔我同心友漂流在他鄉他鄉各異俗所習諒非常
道路阻且遠無由吐中腸俯聞流水聲仰嘆明月光
振衣風冷冷矯首天茫茫
芳草擁幽翠嘉樹鬱層陰山光到牖戶禽鳥和好音
閱茲清景逾古懷獨沉吟沉吟奚以爲攄情委鳴琴

秋懷十二首

悲風度古木吹我屋上茅茅去屋見庭風聲尚蕭蕭
人心一何苦人情一何驕却將眼下淚散作炎上膏
明月下西牖窺我席東枕枕中夢忽破俄然轉淒凜
美人天一方相見猶拾瀋何時引金壘開懷咲歌飲
衆星晨離離孤月夜皓皓白露成野霜凋我牖下草
人無千歲期焉得不速老終當隨物化榮名亦何好
漾漾栢間露濕我征裳衣裳衣濕何苦故人中道違
逝水東北流杳杳無回期惟有天上月悠悠照相思
浙浙涼風起唧唧寒蛩鳴草木鬱氛祲兩曜銜暉明
河源失故道岱宗眇餘青憑虛發浩歎游子萬里情

驅車上南園依約金張里舊日三重階風雨埋荆杞
青山故無恙流水猶未已幽幽樹底禽哀歌為誰起
朝行太行路夕渡巫峽水所至或相觸舟車竟摧毀
人生各異面方寸千萬里片語苟不符其險過於此
野蔓罔叢棘下有幽蘭花緘春斂華滋古意良獨多
霜寒九十月蕭颯如枯莎但使本根在菅茅將柰何
青松生崇岡土淺松底徊顧茲歲寒質豈匪梁棟林
無柰牛羊牧鄙賤蒿與菜惟有溪上風清聲寄餘哀
東籬有佳菊不比春蘭芳繁霜毒萬枿敷榮自弥章
云胡靖節後古意俱茫茫但見三迳草寂寞淒餘香

庭前碧梧樹上有幽棲禽養成五彩雛鳴連黃鐘音
擬之蕭韶間叶彼聖賢心夫何失其所委置荆杞林
酌彼澗下水彈此石上琴希聲應弦起幽幽孤鳳吟
曲中萬里意三歎無知音豈但無知音終恐無知心

寓意十首次敬助韻

元龍湖海豪忘懷但高眠淵明辟世士素琴不張弦
古意各有適薄俗空媿妍所以武陵翁種桃竟忘李
白露下亭皋綠葉颯已槁弱質不自貴却怨秋風早
嗷嗷征雁鳴游子在遠道何如鹿皮翁忘言對芳艸
森森廊廟具蕭艾成長松春春川澤靈蛭蚓為游龍

時明在除後世混姑相容忠義在草莽讒諂分提封
擾擾路傍兒仰面慚征鴻

荆軻上秦殿鄴生下齊城斯須屬鼎鑕何如衛林鄉
脫身傲萬乘秦華鴻毛輕所謂達道人貴在机决明
青松歲寒物詎比蒲柳材冰霜雖剝蝕花應時開
良工豈不偶中心類寒灰却憐蘼蕪草徧滿黃金臺
聖賢不浪出處士匪懷居孔明是何人高卧南陽廬
躬耕良自苦待時故躊蹰所為梁父吟豈比封禪書
蠻觸襍奔競蠅蚋紛爭喧鸞鳳巢枳棘鴟鴞集琅玕
風雷久不作野露生微寒壯士萬里懷肯謝漂母食

古來王佐材多在耕釣間

后地生虛雷天驚漏秋雨女媧死已久此罅誰為補
紛紛讀書兒碌碌無可數古人今人心今人不如古
縹縹青瑣郎翩翩袷綺衣媚媚紅樓春昏昏不知歸
朝覩綠髮潤暮驚白雪飛只有陶隱居頗頗知此機
太行本無險黃河諒非深堂堂大丈夫恥為遊子吟
俯仰宇宙間寧無聖賢心何當五絃奏南風聽遺音

孤梅詠

孤梅在空谷潇洒如幽人不同桃李花那知艷陽春
冰霜歲季晚苔蘚青滿身鼎鼐既不辱風味良自珍

孰信姚黃枝來作爨下薪

琴鶴二詩送賈治安同知

猗猗綠綺琴中秘雲和音一彈動鳴玉再彈鐔南金
翩翩玄鶴舞幽幽孤鳳吟嗟哉塵俗耳折楊聽哇淫
淳源日凋靡誰識雅與南顧更南風奏以慰斯民心
皎皎華表鶴古質清且閒曠哉萬里懷皓月同踳躓
飢啄芝田春渴飲瑤池泉一鳴九臯遠夢繞瓊華寒
下視寰中人誰識橫江仙豈無王子喬相期青雲端

初夏閒興

枝頤坐鴻濛隱隱窺太古我生尚無懷於焉事巢許
兩曜如過客萬彙皆逆旅寒去暑復來誰賓復誰主
齊物不足論有酒且容與推窗看游雲山花墮紅雨

墨萱圖

粲粲萱草花羅生北堂下南風吹其心搖搖為誰吐
慈母倚門情游子行路苦甘旨日以踈音問日以阻
舉頭望雲林愧聽慈鳥語

萱艸生北堂顏色鮮且好對之有餘歡背之那可
人子孝順心豈在榮與槁昨宵天雨霜江空歲華老
游子未能歸感慨心如搗

離別吟

寒風颯大野游子行河梁執手不忍棄遲遲復遑遑
朋友會面難慷慨熱中腸人生豈無家結交在路傍
今晨強綢繆明各天一方相見苦不早離別徒悲傷
讀五柳先生傳

淵明千載士志節尚苦清奈為五斗米受彼縣令名
束帶見督郵頗亦用下情當時豈無議以後何足評
苟非歸去來五柳傳不成

李侯事實諸僑先生序文詳矣然堯明之孝行
吾黨又可知者因作詩二章其一悼李侯之未
歸藏其二閔堯仁之行也

李侯世名仕譽重才德優清白樹嘉政藉藉載歌謳
夫何稅塵鞅幽幽滯南州游竟未能歸永懷故園丘
孤雲落日淡驚濤大江秋匪以見者悲抑為聞者愁
我亦陟岵子忽覺涕淚流

李君潇洒姿淪落在羈旅相見無長言潛然淚如雨
一身顧何為七喪未能舉江山隔中州遙遙望鄉土
豈以途路艱所值時節迂烏烏有私情而人復何處
行行望蒼天那知此情苦郭范久不作此義孰為補

鸚鵡謠鸚鵡謠者蓋即事而立名也春秋書鸚
鵡來巢紀其異耳浙間有妖術者余姓為全真

居民多受惑而館穀之其用術時人家女子婦
人俱與之通事暴受刑而去因作詩記之以備
觀民風者察焉

鸚鵡入樹腹睚鳩乳閉關妖氛扇幽邃幻感成至歡
漫漫恣宵旰終永期無患淒雨苦何其餘花慘無顏
風俗陡衰毀教化委荆管君子致遠慮隱憂長慍歎

江南人教獼猴舞齊郎街市小兒紛紛馳逐故

作詩戲之

獼猴本獸屬野性殊不常俄然脫穢垢冠蓋儻衣裳
斂醜着面具向人舞齊郎跳踉媚小兒時得梨棗嘗

假彼草木味換此蠅虱腸終然匪我顛教養徒自傷
不如奪衣巾棄置山野傍

傷亭戶

清晨度東關薄暮曹娥宿草床未成眠忽起西隣哭
敲門問野老謂是鹽亭族大兒去采薪投身歸虎腹
小兒出起土衝惡入鬼錄課額日以增官吏日以酷
不為公所幹惟務私所欲田園供給盡醜數屢不足
前夜總催罵昨日場胥督今朝分運來鞭笞更殘毒
竈下無尺草甕中無粒粟旦夕不可度久世亦何福
夜永聲語冷幽咽向古木天明風啓門僵屍掛荒屋

有感

江南有古客布衣狂而愚區區許何為竊比草野夫
養素體良貴順適無覬覦宵旰覲黎民戢戢愁釜魚
去古歲已邁視今時已虛豈無聖賢心坐看尔輩痛
方來上下交一以利所趨開心論道義衆口尋胡盧
斷斷君子行蕩蕩成踈迂尚志何栖栖忍為塵土汙
簞瓢陋巷中其樂頗自如不慮貧賤苦且喜父母俱
寒至十月交雨雪已載涂念彼遠戍卒羨此山澤癯
雖無五鼎味那有三族誅吁嗟路傍人何如賦歸歟

懷友

登樓復登樓古月缺復滿美人天一方眷眷衣帶緩
沉吟向空牖倜倜席不暝跬步隔千里夜冷愁夢短
卷紙難與伸迴腸終欲斷何當御颺輪相從事蕭散

自感

父母生我時愛如掌上珠襁褓辟寒暑乳哺隨所須
周歲會言語大小相引呼搖頭却梨栗行行不須扶
三年離懷抱已知親與踈相揖識進退應對無囁嚅
五六漸精爽氣貌與衆殊怡怡浴仁化喜聽論之乎
八齡入小學一一隨範模厭覩詭譎行不讀非聖書
宗族驚我異父母閱我孤賓客皆回頭指為汗血駒

長大裛剗腸明學循良圖石畫決自必不以迂腐拘
願秉忠義心致君尚唐虞欲使天下民還淳洗囂虛
聲詩勒金石以顯父母譽此志竟蕭條衣冠混混塗
蹭蹬三十秋靡靡如蠹魚歸耕無寸田歸牧無尺芻
羈逆泛萍梗望雲空歎吁世俗鄙我微故舊嗤我愚
賴有父母慈倚門復倚閭我心苦悽戚我情痛鬱紆
山林競蛇虺道路喧豺貙荒林落日陰羞見反哺烏
烏烏有如此吾生當何如

送李德仁歸濟南鄉試

岳前有古桂鱗甲森蒼蒼吹涼洗綠燿永延清夜光

却林既已榮燕山亦已芳于今贈君去願挹秋天香
江上有古柳搖颺絲依依容光照青眼薄妬紅樓眉
玩之益何喜攀之益何悲于今贈君去願染春風衣

畫猫圖

吾家老烏圓斑斑異今古抱負頗自竒不尚威與武
坐臥青氈傍優游度寒暑豈無尺寸功衛我書籍圃
去年我移家流離不寧處孤懷聚幽鬱覩尔心亦苦
時序忽代謝世事無足語花林蜂如裊禾田鼠如虎
腥風正搖撼利器安可舉形影自相吊卷舒忘尔汝
尸素慎勿慙策勲或齊怒

穎語次楊庶夫進士古聲韻

老穎冰滿頭不識宮妓口窮季豈無為棄置如弊帚
玉杯漸消磨舍默甘老醜余生重其功悵然懷永久
昔在三墳前勇銳破繩紐并世去籀法十鼓迷八九
玄風變復變款識歸瓦缶春秋已獲麟大義孰為守
紛紛雞雉翰崢嶸出其右班生狂不事張生顛欲走
空餘五色夢幻入歌奴手世泛昌黎才誰能傳其後
削織管城封寂寞山中胄所以胥吏徒刻覈嘲腐朽
申屠子迪試吏為山南江北道憲司掌書巡按
至夷陵缺文廟有曹操祠子迪毀之更立學宮

諸士夫作詩文頌美之僕居草澤中獲觀其卷
因贅之

仁風藹區宇聖道日月明膏澤育萬彙衣冠樂昇平
夷陵雖云僻豈無玉化并柰何洙泗流不浹荆楚氓
蠱惑祠奸操聲教若掩局樊山老文學執法開杳冥
蕩滌衆陋習魑魅不敢嬰巍巍魯靈光中天麗晶熒
一變風俗美再變禮樂興允矣千載下勲業昭汗青

鳳凰臺

生長當盛世無家足遨遊行登鳳凰臺縱目萬景收
山川尚形勝故迹殊可求環滁起西南三峯翠相繆

落日淡天闕紅塵障曾樓盈盈佳麗地每每風雨愁
我老無所為懷古心悠悠俯仰四十帝盤礴三百秋
于今竟何如草樹迷荒丘惟有大江水不改今古流
徘徊發長謠感慨追前修謫僊既已矣少陵安可留
粲粲石上詩凜凜霜氣浮書生往來頻拵用多唱酬
且沽數斗酒醉倒歸來休

對菊

世路多詰屈吾行已悠悠陶公歸去來此志良可求
開懷對黃花萬事一咲休得酒謾斟酌更為斜陽留
人生適意耳何用從遠游五湖有閒棹三峽無安流

所以曠達士不為貧賤憂紛紛刀錐輩瑣屑非我儔

題凝雪水仙圖

出門大江橫銀濤數千頃仙子御輕飈環佩搖虛影
中宵月無光天地冰壺淨輕盈何所之飛夢西湖冷

襍詠

前日出東郭寒凍未解圍今朝開北牖青草已滿池
飛飛群鳥歡老木長嫩枝馳書報幽人難得此良時
休負頭上巾有酒且自持

出門好山色况值風日暄依依楊柳莊鬱鬱素柘村
行游蹊路曲如在故林園白壘橫遠嶼紅花粲晴原

人生豈無情欲語已忘言

巢父誠辟世許由真隱淪勢利既已忘天子不得臣
栖身碧山中洗耳清澗濱悠悠太古懷坐閱花鳥春
所以後來者可鑒不可親

心遠軒

淵明賦歸去寓意在田園結廬襟人境喜無車馬喧
秋風菊采采春風柳娟娟人跡日已踈世事日已遷
高卧北牖下夢寐羲皇前蕭散萬慮空豈但琴無絃
上人絕遐想所適乃自然端居中澹寂不在地靜偏
緬懷千載風所以名吾軒

畊讀軒

路逢誰家子背手牽黃犢犁鋤負在肩牛角書一束
輟畊且吟誦息陰坐喬木南山萱苗肥東臯雨新足
涼氣滿郊墟書聲出茆屋古來賢達人起身自畊牧
買臣負薪歌倪寬帶經讀寄語年少徒行當踵前躅

冀州道中

我行冀州路默想古帝都水土或匪昔禹貢書亦殊
城郭顛村塢雨雪苦載塗叢薄聚凍禽狐狸嘯枯株
寒雲着我巾寒風裂我襦盱衡一吐氣凍凌滿髭鬚
程程墜燼火道傍少人居小米無得買濁醪無得酤

土房桑樹根彷彿似酒壚徘徊問野老可否借我厨
野老欣咲迎近前挽我裾熱水溫我手火炆暖我軀
叮嚀勿洗面洗面破皮膚我知老意仁緩緩驅僕夫
切問老何族云是奕世儒自從大朝來所習亮匪初
民人籍征戍悉為弓矢徒縱有好兒孫無異犬與猪
至今成老翁不識一字書典故無所攷禮義何所拘
論及祖父時痛入骨髓餘我聞忽太息執手空躊躇
躊躇向蒼天何時可能甦飲泣不忍言拂袖西南隅

歷棗強縣

我生值數竒長年但奔走風霜苦侵凌焉得不白首

前日東阿城齷齪混鷄狗今朝棗強縣蹉跎隨人後
淒涼有誰知辛苦祇自受解凍燎枯蒿屏寒貰黃酒
驅奴問程途炊糧借刁斗休言羨其味且自餬其口
臆垢不能去面貌殊覺厚登頓過村落不復論妍醜
或遇短髮嫗或見長眉叟指点向人言此地荒涼久
東任河西使西居太原守高樓對甲第過眼成林藪
更有好墳墓亦復為田畝富貴生滅漚禍福翻覆手
彼時與此時視吾何所有我聽老叟言感慨欲吐嘔
却羨陶淵明歸來種楊柳

山中作寄城中諸友

山深無行踪蹊路土華長白雲忽飛來令人起遐想
松間微風奏石磳幽泉響坐久懷抱空悠然會清賞
在山雖無榮出山有何好清流混潢汙遠志成小草
松栢本貞固蒲柳易枯槁擾擾路傍兒知止不如鳥
白雲開林密黑霧漫城郭出門道路違蠢蠢都不覺
游蟻上枯槎歸鳥隱叢薄寄語遠行人莫待風雨惡

自崔鎮至濟州人情風俗可歎三十韻

天闕星河近關山道路長斷雲依野樹歸鳥傍斜陽
弔古添惆悵傷時重慨慷艱難衣帶緩辛苦鬢毛蒼
昨日辭崔鎮今晨過呂梁躲船愁葦確打牽畏汪洋

舟子招呼急商人問信忙新州山頂上沛縣水中央
古昔英雄地蕭條戰闔場歌風傳漢祖決勝信張良
轉首風雲改重瞻日月光喜看新社稷不問舊封疆
魚鱉行官道狐狸上廟堂淒淒黃葉浦漭漭白蘋鄉
提挈何狼藉奔趨適詐狂人倫俱喪失風俗盡凋傷
白紵流吳曲紅花爛楚芳禮儀從此廢廉恥竟何將
戢戢哀流落痿痿俱暴強郎官思卓魯牧守想龔黃
鷹隼鋒稜勁豺狼氣勢張撫綏徒文飾漁獵盡逃亡
東魯書聲寂西秦客夢揚可憐吾老大那忍見淒凜
飢墜家家火愁懸處處腸競穿泥窟穴爭覓草衣裳

密雪團花大飛冰就木僵垂情徒鬱鬱極目轉茫茫
聖主春秋盛賢臣事業彰願言宣德化四海一陶唐

竹齋集卷之中終

